

滓又爲上請降真召靈符吏降真召靈符等子各一人質持高上
玉清仙王降真符命元皇召靈符命冥司三界嘯命十方策役
千靈關盟萬聖護持壇律糾正齋功由始及終迄無障撓更希
勅旨行下立壇受事靈寶仙曹省府院司官君將吏從臣請降
共佐洪釐使齋主某人善果周圓嘉祥密被承恩今日流慶他
生散壇言功不負效信

超凌祖立解冤章

臣學術荒疎材能淺局每爲人而有請惟拊己以知慚仰藉高
明俯垂洞鑒臣謹據齋意臣職惟領教理難抑違謹涓今日某
日爲始就某處崇建立壇依按真科次第修奉臣切惟齋主某

道藏輯要

太上濟度章勅

聖

張集五
××××

人世緣酬酢塵務蒙迷九祖七立靈無罪累三生四負或結冤
仇非由解釋以超凌曷俾善功而圓滿謹先於某月某日夜修
設立都大獻玉山淨供攝召上件亡魂普及六道四生諸類幽
爽享食受煉膺戒佩符若冤若親俱超淨域庶使齋主某人一
身清淨萬罪蕩除家訟不生怨憎何有逍遙自在成就良因謹
爲拜章一通上聞三天伏望大慈曲施宏化特降玉清道炁靈
寶妙光照耀陰局開明夜府幽冥萬類均脫化機乘此靈光來
親壇壇聞經聽法各遂騰凌臣謹爲上請玉清溟滓大梵靈官
三十二人仙吏一百人爲齋主某人呪洒甘露溥化斛筵周遍
虛空無窮無盡哺飴衆爽各獲豐盈隨感來歆悉皆飽滿又爲

上請玉清上解祖考靈官解冤釋結靈官各三十二人仙吏各一百人爲齋主某人開釋祖立疾除罪簿永超愛網復脫輪迴解釋仇讎齊同慈愛克離冤囿竟陟生方俾先亡永無繫戀之憂而齋主克遂熏修之果更爲上請朱陵火府南昌上宮黃籙靈曹執法仙衆各持真水真火煉度衆魂俾出幽關咸生淨域庶幾恩魁品類悉出迷途冤愛冥靈齊登道岸敷太上無私之澤贊立元有造之仁極天際地咸膺至化

不經地獄章

臣一介愚蒙千生緣會冒憑涵育荐瀆崇嚴雖揣分以凌兢敢
謄詞而關告臣謹據齋意臣領詞虔切理難抑違謹涓今日某

道藏輯要

太上濟度章赦

聖

張集五

日爲始就某處肅建立壇依按真科次第修奉臣切惟齋主某人託迹塵籠隨緣世網爲人爲己易積愆尤謀身謀家動招罪障恣情於三尸五累逞志於三業六根東岱簡書北酆錄籍百年運盡慮墮幽寥九夜神遷必膺考校茲預投誠於立極先期曲宥於蒼穹懺往罪而盡消悔前非而不作勿經幽暗常履光明徑上南宮永離北府究觀衷素實可矜憐謹爲拜章一通上聞三天伏望大慈曲施宏化特降勅命宣告三官九府百二十曹六洞十宮羅酆鬱絕河源泉曲五道溟泠五帝考官六宮掾吏巨天力士執罰神兵司殺司功司命司錄城隍社令主罪職察俾齋主某人積劫以來稟生之後心生口語自作教他輕重